

Ambasada SAD podržala Zimski debatni kamp o pomirenju

Objavljeno u kategoriji **BiH** na **19.01.2016 15:07:37**



[f Recommend](#) [Share](#) 8 people recommend this. Be the first of your friends.

Ambasada SAD u BiH podržala je aktivnost Zimski debatni kamp, koju je organizirao Centar za kulturu dijaloga na Jahorini u periodu 10. - 14.01.2016. godine, prenosi novinska agencija Patria.

U ovoj aktivnosti su učestvovala mlade osobe iz sljedećih gradova: Bijeljina, Banja Luka, Brčko, Čelić, Donji Vakuf, Gacko, Gradačac, Istočno Sarajevo, Kakanj, Kladanj, Mostar, Novi Grad, Odžak, Prijedor, Prozor, Sarajevo, Srebrenik, Tešanj, Tuzla, Usora, Visoko, Zenica i Žepče. Cilj Kampa je bio educirati mlade o važnosti pomirenja, tolerancije i međusobnog uvažavanja u procesu ostvarivanja pozitivnih promjena u bh. društvu.

Mladi su kroz zajedničke kreativne aktivnosti istraživali najdelikatnije društvene teme kao što su: segregacija, dvije škole pod jednim krovom, jezici manjina, cenzura, jezik ulice, govor mržnje, ljudska prava, diskriminacija, trajni mir, održivi mir, interetničko pomirenje, Dejtonski mirovni sporazum... Tokom aktivnosti učesnici su istakli da, premda dolaze iz različitih etničkih zajednica, imaju slične probleme i da je neophodno kroz razgovor i uvažavanje kreirati podlogu za ostvarivanje trajnog i održivog mira u BiH.

Kako kroz edukativne, tako i kroz kompetitivne aktivnosti mladi su educirani o različitim aspektima za ostvarenje trajnog i održivog mira u BiH. Podcrtali su važnost organiziranja zajedničkih susreta na kojima mogu participirati učesnici iz cijele BiH bez obzira na etničku i religijsku pozadinu, a sa posebnim akcentom na međuentitetske susrete. Naglasili su i da razlike trebaju biti osnova za međusobno uvažavanje i poštivanje.

Mladi su kroz debatne, plesne, muzičke i slikarske radionice ojačani za prepoznavanje narušavanja ljudskih prava i pokretanje mehanizama kojima se ljudska prava drugih osoba štite sa posebnim akcentom na ljudska prava marginaliziranih grupa. Osnovni moto Kampa je „Svi različiti, svi jednaki!“. Sa ovim motom se nastojalo ukazati na važnost međusobnog uvažavanja i suradnje kao i na neophodnost poštivanja ljudskih prava svih građana Bosne i Hercegovine, saopćeno je iz Centra za kulturu dijaloga BiH.

Tokom natjecateljskog dijela Kampa ostvareni su sljedeći rezultati u kategoriji debatiranje:

Skupina početnici - najbolji pojedinačni govornici nakon kvalifikacija:

Dženana Pedljić - MSŠ Srebrenik

Sofija Mijović - Gimnazija Banja Luka

Saša Drljača - SŠC „Đuro Radmanović“ Novi Grad

Skupina početnici - najbolje mješovite ekipe:

Darija Cvijić - SŠC „Đuro Radmanović“ Novi Grad

Tarik Zaimović - Gazi Husrev-begova medresa Sarajevo

Senad Bajat - Srednja medicinska škola Mostar

Milica Kulina - Gimnazija Istočna Ilidža

Dženana Pedljić - MSŠ Srebrenik

Naida Mlinarević - MSŠ Donji Vakuf

Sofija Mijović - Gimnazija Banja Luka

Amina Šabanović - Gimnazija Visoko

Lana Samardžija - Gimnazija Banja Luka

Skupina napredni - najbolji pojedinačni govornici nakon kvalifikacija:

Bojan Belenzada - Gimnazija Banja Luka

Ahmedin Hurić - Gazi Husrev-begova medresa Sarajevo

Jovica Jović - Gimnazija Banja Luka

Skupina napredni - najbolje mješovite ekipe:

Hamza Marić - Karađoz-begova medresa Mostar

Jovica Jović - Gimnazija Banja Luka

Amina Sinanović - Behram-begova medresa Tuzla

Ahmedin Hurić - Gazi Husrev-begova medresa Sarajevo

Harun Aldobašić - Gazi Husrev-begova medresa Sarajevo

Ivana Franjić Tubić - KŠC Srednja medicinska škola Sarajevo

Ivan Ilić - KŠC Banja Luka

Edna Đuliman - Gimnazija Mostar

Bojan Belenzada - Gimnazija Banja Luka